

XIII RADNA SJEDNICA UPRAVNOG ODBORA
Javne ustanove Bosansko narodno pozorište Zenica

ZAPISNIK

MJESTO: **zgrada Javne ustanove Bosansko narodno pozorište Zenica,**
 Trg Bosne i Hercegovine broj 3, Zenica,
 II sprat, Kancelarija broj 45
DATUM: **ponedjeljak, 19. 02. 2024. godine**
VRIJEME: **15.30 h**

Sjednici prisustvuju:

1. dipl. pravnik **Una Kulenović**, predsjednica
2. dipl. profesor **Aldina Aganović**, članica
3. dipl. glumac **Adis Mehanović**, član

ZAPISNIČARKA:

4. **Selma Tabaković-Jašar**, voditeljica Pravne službe JU BNP Zenica.
Sjednici prisustvuje i direktor BNP Zenica, **Miroljub Mijatović**.

Dnevni red:

1. Usvajanje Zapisnika sa 12. radne sjednice;
2. Nastavak radnog sastanka sa zainteresiranim licima u vezi sa najmom prostora *Kabare kluba*, u skladu sa Zaključkom Upravnog odbora sa XII radne sjednice;
3. Razno.

ZAKLJUČAK: Upravni odbor JU BNP Zenica jednoglasno usvaja Zapisnik sa dvanaeste radne sjednice, koji je prethodno dostavljen elektronskim putem.

2. Nastavak radnog sastanka sa zainteresiranim licima u vezi sa najmom prostora *Kabare kluba*, u skladu sa Zaključkom Upravnog odbora sa XII radne sjednice;

Informacija 1: Direkcija JU Bosansko narodno pozorište Zenica je zainteresiranim licima (Ilija L. i Zoran S.) dostavila tlocrt originalnog izgleda enterijera prostora *Kabare kluba*.

Prema naknadno dostavljenoj fotografiji sa nacrtom objekta i planiranim izgledom enterijera prostora *Kabare kluba*, odnosno na osnovu usmene informacije zainteresiranih lica na ovoj radnoj sjednici, utvrđuje se sljedeće:

- izgled objekta bi otprilike odgovarao originalnom, sa šankom u prvobitnom stanju,
- u objektu bi umjesto 3 bila smještena 2 bilijarska stola,
- namještaj bi imao bio tipa dnevnog boravka,
- bilijarske stolove i druge stolove odvajale bi pregrade sa cvijećem,
- izbor muzike bi odgovarao programu rada i djelatnosti Javne ustanove u smislu glasnoće i vrste,
- ukoliko bi se organizovao određeni događaja o istom bi se kontaktirala Javna ustanova i
- moguća je izrada članskih kartica.

Informacija 2: Članica Aldina A. je takođe uputila upit prisutnim, koji je razlog da su zainteresirani baš za zakup prostora *Kabare kluba*, te ističe da bi dva bilijarska stola bila prikladnija u odnosu na prethodno spominjana tri.

U odgovoru Ilija L. ističe da se radi o prostoru na području centra grada i da bi na taj način upravo privukli građane koji prate kulturne događaje.

Prije donošenja konačne odluke Upravnog odbora prema riječima predsjednice UO JU BNP Zenica Une K., istaknuto je sljedeće:

Informacija 3: Član Adis A., upućuje upit o održavanju kabaretskih predstava, s obzirom da su prostori *Kabare kluba* ujedno i peta scena JU BNP Zenica i na koji način bi postojao dogovor između zakupca i JU BNP Zenica?

Ilija L. ističe da bi događaji koje organizuje JU BNP Zenica mogli biti svakako realizirani, uz prethodnu obavijest na tri dana prije.

Direktor JU BNP Zenica takođe obavještava da je planirano održavanje sadržaja u organizaciji JU BNP Zenica jednom mjesečno, što uključuju promociju knjiga, koncerti ili poetsko veče.

Članica Aldina A. smatra da je dogovor oko prethodnog svakako moguć, s obzirom da to nije nešto što se održava često.

Član Adis M., pominje ujedno mogućnost pokretanja ideje i realizacije STAND UP komedije u izvođenju glumaca JU BNP Zenica.

Ujedno, pomenuta je i praksa održavanja zakuski i druženja u prostorima *Kabare kluba* nakon premijernih izvedbi sa gostima na predstavi i saradnicima.

Direktor JU BNP Zenica napominje da bi eventualno učešće zakupca u pripremi zakuski-catering i slično bilo regulisano na osnovu ispostavljenog računa za pruženu uslugu.

Takođe direktor JU BNP Zenica upućuje upit da li je planirana neka programska aktivnosti koja bi bila organizirana od strane zainteresiranih lica ili bi taj dio prepustili isključivo JU BNP Zenica?

Ilija L. smatra da navedeno treba ostati u organizaciji JU BNP Zenica te bi možda bile organizirane *kabare* zabave jedanput ili dvaput u mjesecu. Takođe, imenovani ističe da ukoliko se održavaju određeni događaji u organizaciji JU BNP Zenica da je tu prisutna uzajamna korist, s obzirom da prisustvo većeg broja posjetilaca u objektu koji bi koristili usluge, uključujući i pozorišnu publiku.

Predsjednica Upravnog odbora JU BNP Zenica, Una K. obavještava da će se pristupiti donošenju odluke, o čemu će zainteresirana lica biti obaviještena naknadno te imenovani napuštaju radnu sjednicu.

Pristupa se glasanju povodom ove tačke dnevnog reda.

Predsjednica Una K. ističe da nije saglasna sa davanjem u zakup prostora *Kabare kluba* zainteresiranim licima, iz razloga što data ponuda ne odgovara uslovima javnog oglasa i odredbama Poslovnika o dugoročnom zakupu, naročito zbog izostanka okvirnog prijedloga programskih sadržaja i mogućnosti zajedničke kulturne produkcije.

Članica Aldina A. ističe da nije prethodno bila saglasna, ali nakon naknadnog prijedloga da se broj bilijarskih stolova ipak umanja i prema drugim činjenicama iz razgovora na ovoj radnoj sjednici, ovim putem daje saglasnost sa izdavanje u zakup imenovanim.

NAPOMENA: Članica Aldina A. napušta radnu sjednicu zbog radnih obaveza u 16.05 sati.

Član Adis M. nije saglasan sa predmetnim zakupom jer nije ponuđen prijedlog programa umjetničkog/scenskog rada te moli da se naknadno pokuša razgovarati i sa drugim licima koji bi mogli biti zainteresirani za zakup.

ZAKLJUČAK: Sa dva glasa „protiv“ i jednim glasom „za“ donosi se odluka kojom se utvrđuje da nisu ispunjeni uslovi za davanje u zakup prostora *Kabare kluba* zainteresiranim licima, uključujući i odredbu 11. stav (2) Pravilnika o dugoročnom zakupu br. 527/23, što bi zahtijevalo prethodnu izmjenu i dopunu. Odluka će u pisanoj formi biti dostavljena na poštansku adresu gđin Ilije L.

3. Razno

Direktor JU BNP Zenica obavještava da će u Plan javnih nabavki 2024. godine biti naknadno uvrštena nabavke izrade sertifikata o energijskoj efikasnosti, a prema obavijesti nadležne službe osnivača.

ZAKLJUČAK: Upravni odbor JU BNP Zenica prima na znanje i usvaja datu izmjenu i dopunu.

Sjednica je zaključena u 16.20 h.

ZAPISNIČARKA

Selma Tabaković-Jašar

**PREDSJEDNICA UPRAVNOG ODBORA
JU BNP ZENICA**

Una Kulenović

Zapisnik je sačinjen na dvije (2) numerirane stranice.

Zenica, 19. 02. 2024. godine
Broj: 250/24